



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 12. Quomodo conscientia erronea seu dubia sit deponenda.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Qu. 19. De bonit. & malit. actus int. volun. A. 6. Dub. 11. 21. 127

Sacerdotem, qui totius conscientiae ipsius sit arbitrus: ergo ipsius consilium tamquam à Christo profectum accipere debemus: sicut enim Christus non debet Pontifici in definiendis ijs, quæ totam concernunt Ecclesiam; quia hunc constitutus ad hunc effectum suum Vicarium: ita existimandum est non defuturum Sacerdoti in ijs praescribindis, quæ ad tranquillitatem conscientiae penitentis pertinent; quia ad hunc effectum constituit illum Vicarium.

Quartū. Quartò, Notet in charta scrupulos aliquot præteritos, in quibus deprehendit se inaniter fuisse anxium; & nouos ex horum similitudine diuidicet.

Quintū. Quintò, Studeat quæstionibus conscientiae & discat qua opinione sint probabiles; quia plerumque scrupuli proueniunt ex ignorantia. Norit etiam generales regulas epyciae: vt, Neminem obligari ad impossibile, aut nimis difficile, præfertim in rebus ordinarijs: Onus Christi esse leue, & iugum suave: Scrupulosos in dubijs suis non obligari ad partem tutiorem, sed posse sequi benigniore; & his similia.

Sextū. Sexto, Quando res virget, & aliud consilium non sufficit, statuat coram Deo se nullam ob causam velle facere, quod ei displiceat; & sic, nisi res sit euidens, reputet esse scrupulum, & faciat contrarium.

Dices, Hoc iudicium videtur imprudens: non enim sequitur; Non est euidens esse illicitum, ergo est licitum.

Scrupulo-
sus præ-
denter sibi
perjuadere
poteſt, niſi
res ſit eu-i
dens, eſſe
ſcrupu-
lum,

Respondeo, In tali dispositione hominis non esse imprudens; quia recte sequitur, Ego sum scrupulosus, nec possum nunc alium consulere: ergo cùm opus virgeat, & non sit euidens opus esse illicitum, possum prudenter iudicare mihi non esse illicitum; id est, mihi non imputandum ad culpam, si fecero. Et Ratio est, quia nimis durum est, vt in omni tali calu scrupulosus tenetur opus differre, donec alium consulatur. Similiter si ex scrupulo videar mihi teneri ad aliquid statim agendum. V. g. Ad corripiendum proximum, si non est euidens me teneri, possum prudenter præsumere me hinc & nunc non teneri.

Septimū. Septimo, Quod attinet ad scrupulos circa confessiones præteritas; sciat se non teneri quidquam repeteri, niſi certus sit se vel non esse confessum, vel non bene confessum: non est autem certus, quamdiu dubitat, vel quamdiu contrarium videtur illi aliquo modo verisimile.

Octauum. Octauo, Valde expedit scrupulosos multum occupari studijs, & alijs negotijs seruis; nam otiosi animis maxime tales scrupuli solent occurrere.

D V B I V M XII.

Quomodo conscientia erronea, vel dubia ſit deponenda?

81 **Deponitur**
ſpeculatiu-
& pra-
ſice.

R Espondeo & Dico Primò, Conscientiam dupliciter posse deponi. Primò, Speculatiu- tive, cùm mutato priore iudicio contrarium indicas: Vel si ante dubitabas neutri parti adhaerens, determinas alteram: v. g. putabas hanc rem esse alienam, vel certe dubitabas; postea deprehendis certis signis esse tuam; hinc deponis con-

ſcientiam speculatiuè. Secundò, Practicè, cùm manente priore dubio, vel iudicio speculatiuo; ob certas rationes iudicas te posse hinc & nunc agere, perinde ac si iudicium illud vel dubium non eſſet: vt cùm manente dubio an res fit tua, post diligens examen, iudicas te posse illam retinere, perinde ac si indubitanter eſſet tua. Similiter cùm manente opinione probabili contractum eſſe illicitum, iudicas eum tibi hinc & nunc eſſe licitum, id est, ad culpam non imputandum; eod quod alij Doctores probabiliter teneant eſſe licitum.

Dico Secundò, Vt autem hoc modo conscientia possit deponi, recipitur semper aliquod principium, ex quo, non obstante dubio, vel iudicio speculatiuo contrario, recte posse inferri istud opus posse sine peccato hinc & nunc fieri, vel hinc & nunc omitti. Talia principia sunt. In dubbio melior eſſet conditio posſidendi. In operando licitum eſſet sequi opinionem probabilem. Cum graui damno non necessario in dubijs sequenda eſſet pars tutor, &c. de quibus suprà. Ratio est, quia absque tali principio non potest formari iudicium prudens de re agenda, vel omittenda, repugnante iudicio vel dubio speculatiuo.

Dices, fieri potest, vt quis sine omniratione ex solo affectu putet sibi aliquid esse licitum, quod tamen absolutè in vniuersali credit esse illicitum; vt docet hic Cajetanus, quem sequitur Medina hoc loco, & Nauarrus in cap. Si quis autem. num. 62. Exemplum ponit Cajetanus de muliere quæ audiuit à Concionatore esse peccatum mortale vt capillis alienis (quod tamen non eſſet verum) & deinde sibi format conscientiam erroneam in genere; tamen in particulari ob affectum iudicat sibi non eſſe peccatum mortale; & ita dum virtutur tali capillatio, non peccat contra conscientiam: ergo potest conscientia in particulari deponi abſque omni ratione, sed solo affectu.

Respondeo Primò, Etiamſi concederemus sic posse conscientiam deponi, tamen qui tunc operaretur, peccaret: tum quia talis depositio conscientia non eſſet prudens: sine ratione enim iudicaret sibi esse licitum, quod auctu iudicabat in genere esse illicitum; tum quia exponeret se periculo manifesto mortiferè peccandi, dum sine examine & ratione facit, quod generatim credit esse peccatum mortiferum.

Respondeo Secundò, Etsi interdum fieri potest vt quis conscientiam deponat solo affectu sine nouis rationibus; (quatenus affectus facere potest vt species veritatis quæ appetit, & videtur subesse, maior & illustrior intellectu appetit:) non tamen id fieri nequit, quando manet iudicium generale contrarium; sicut in proposito exemplo, iudicat illa mulier absolute & in genere, Non licet vt alienis capillis, quia concionator dixit; quo modo simul cum hoc iudicij potest iudicare, licitum eſſe mihi vt alienis capillis? simul enim assentiretur contradictorij explicitè. Nam cùm iudicat non eſſe licitum vt alienis capillis, sat's explicitè iudicat etiam sibi non eſſe licitum: ergo non poterit iudicare sibi eſſe licitum. Sic qui sentit omnem mulam eſſe sterilem, non potest simul actu iudicare hanc gestare vterum, vt Aristoteles lib. 2. Analyt. docet: quamvis hoc iudicium actuale cum illo habituali stare posset, vt ibidem tradit. Itaque hic modus deponendi con-

L. iiiij scientiam,

scientiam, est omnino impossibilis. Ut igitur eam deponat, necesse est, ut vel iudicium illud generale iam retractet; vel certè, ut aliquam circumstantiam in particulari circa se consideret, quam in genere non considerauit; vt, v. g. se habere iustam causam cur sibi liceat, quæ in alijs pafsim non reperiatur: vel denique ut illud iudicium contrarium non occurrat memorie, sed maneat tantum habitu, quando est operandum. Tunc enim, etiam si habitu teneat esse peccatum, id quod facit, ob auctoritatem concionatoris, vel aliam causam; tamen actus potest iudicare sibi non esse peccatum; idque vel ob alias rationes, vel quia pafsim sit etiam à bonis, vel quia nulla occurrit ratio cur non liceat. Sed, hoc modo non tam deponitur conscientia erronca, quam non applicatur.

ARTICVLVS VII.

Vtrum bonitas voluntatis in his
qua sunt ad finem, pendeat
ex intentione finis?

¶4 C onclusio est, Bonitas voluntatis, qua voluntas aliquid propter finem, penderet ex intentione finis. Sensus est, Bonitas electionis penderet ex intentione finis. Probatur, Quia bonitas electionis penderet ex ordine mediorum ad finem; quia in hoc ordine constituit ratio formalis obiecti: ergo penderet ex fine, & consequenter ex finis intentione. Vbi

Notandum Primò, Quando bonitas electionis dicitur pendere ex intentione finis, sub intentione etiam comprehendendi finem intentum; ab utroque enim bonitas electionis pendet: A fine quidem, tamquam à causa formalí (ordo enim ad finem est ratio formalis obiecti electionis; & consequenter ipse finis, qui illi ordinis speciem tribuit, ratio formalis obiectu censetur:) Ab intentione vero tamquam à causa efficiente: electione enim manat effectu ab intentione; & ita bonitas & malitia intentionis transfunditur in electionem, tamquam in effectum: conditio enim causa imprimitur effectui: vnde quidquid parit mala intentio, est malum; & quidquid parit bona intentio, est bonum; si tamen aliunde non vietatur.

Notandum Secundò, Circa respons. ad 2. & 3. Velle malum sub ratione mali, non est velle malum ob malitiam, secundum D. Thomam (non enim malitia potest allucere voluntatem:) sed est velle malum ob malum finem; vt velle mentiri, vt fureris. Velle bonum sub ratione mali, est velle bonum ob malum finem. Itaque rationem mali vocat D. Thomas non ipsam malitiam, sed bonum delectabile, vel conueniens natura, cui annexa est malitia.

DVBIUM I.

Vtrum intentione boni finis fiat mala,
ex electione mali medij?

85 N otandum est, Finem dupliciter posse intendi. Primò, Determinando certum medium per quod consequaris illum. Secundò, Absque

determinatione certi medij; quod secundum dupliciter fieri potest; Primo, Si eo modo intendas, ut ex vi intentionis paratus sis uti quoquis medio, non curando sitne licitum an illicitum. Secundo, Si non eo modo intendas, sed simpliciter sub ratione honesti. Nunc

Dico Primò, Qui ita intendit bonum finem, ^{Sic cum bo-} ut simul determinet prauum medium, illius in- ^{no fine si-} tentio est praua, non propriè ex electione, sed ^{mul deter-} minatur ^{prauum} quia ipsa intentio actu se extendit ad prauum ^{medium,} tamquam ad circumstantiam quamdam ^{medium,} obiecti: vt si intendas consequi beneficium per ^{intentionis est} simoniam; facere Sacrum absque vestibus bene- ^{praua.} dictis; dare eleemosynam ex re aliena.

Probatur, Quia hic actus est tantum actus intentionis, tendens in finem tamquam in suum obiectum, & in medium tamquam in circumstantiam: sicut cum quis vult occidere gladio; in hac volitione non est intentio & electio, sed sola intentio, qua tendit in occisionem ut in fine, seu in obiectum, & in gladium tamquam instrumentum, quod est quædam circumstantia obiecti. Pari modo cum quis vult dare eleemosynam ex re aliena, est solùm unicus actus intentionis, tendens in largitionem eleemosynæ tamquam in obiectum; & in rem alienam, ut in circumstantiam materie.

Dico Secundò, Si quis eo affectu intendat finem, ut paratus sit uti quoquis medio; illa intentio est mala, non ratione electionis prauæ superer- ⁸⁶ potest quo- nientis (est enim mala, etiamsi nulla praua elec- ^{tio} sequeretur) sed ratione modi, quo tendit ^{sed debite} mensura affectus, in-

Probatur, Quia talis affectus ita tendit in finem, ut implicitè & virtute tendat in prauum medium; velle enim omnino consequi finem, est velle implicitè omne medium necessarium; & consequenter est velle prauum, si forte sit necessarium.

Secundò, Quia talis intentio vi sua inclinat ad prauam electionem, si forte bonum medium non suppetat: ergo est praua. Consequenter patet, quia omnis actus voluntarius vi sua, si perseveret, inclinans ad prauum consensum, est malus.

Dico Tertio, Si quis intendat ita bonum finem, ut neque ex vi intentionis inclinetur ad electionem praui modi, neque simul determinet prauum medium, hæc intentio non fiet mala, quamvis ei coniungatur praua electio. V. g. Intentio dare eleemosynam; sed quando venitur ad executionem, ex ignorantia vel avaritia eligis dare rem alienam; hæc electio est mala, tamen non inficit priorem intentionem.

Probatur Primò, Quia talis intentio boni finis secundum se est intrinsecè bona, id est, conformis rationi; quia est obiecti honesti, quæ honestum: ergo electio superueniens non potest eam reddere malam. Consequenter patet; quia quod est naturæ posterius, non potest tollere id quod alteri prius conuenit.

Secundò, Quia illa electio non est circumstantia intentionis, sed merè per accidens ad illam habet; non enim sequitur ex vi bona intentionis, sed aliundè. Quod probatur. 1. quia omnis intentio honesta excitat ad prudentem confidationem mediorum (est enim voluntas consequendi finis modo rationi consentaneo;) ergo ^{Præna elec-} ^{tio non potest se-} ^{qui ex vi} ^{bona in-} ^{tentionis.}